


TS691.9/4145.6(2)


CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY


DEC 9 1953

Harvard College Library Imaging Services <http://imaging.harvard.edu>

| CM | 0 | 1 | 2 | 3 | 4 | 5 | 6 | 7 | 8 | 9 | 10 | 11 | 12 | 13 | 14 | 15 | 16 | 17 |
|------------|----------|----------|-----------|-----------|-----------|----------|----------|----------|----------|-----------|-----------|----------|----|----|----|----|----|----|
| Lab D50 2° | 95/0/2 | 81/0/0 | 66/0/0 | 51/0/1 | 35/0/0 | 20/0/0 | 29/19/54 | 55/39/33 | 42/57/29 | 82/4/79 | 51/50/13 | 50/28/29 | | | | | | |
| | 38/14/16 | 66/16/18 | 50/-5/-22 | 43/-14/21 | 55/-9/-25 | 71/-32/0 | 62/34/60 | 40/9/-43 | 52/48/17 | 31/21/-21 | 72/-23/57 | 73/19/68 | | | | | | |







四元記下卷

一名小菜子

目錄

追逃

再遁

閨憤

請禱

探囊

上旛

虛捷

假子

發奸

鬧卜

求試

出寺

哈佛大學漢和
圖書館珍藏印



誑露

檢舉

謹禮

勅錦

泣別

彩圓

西元記卷下

一名小菜子

第拾玖齣

追逃

家麻

中行香子淨實可矜誇。美玉無瑕。說不盡春風彩霞。昨期已悞。今又遲遲。未知他。因甚事。不回家。

會元宋再玉。昨已面許老夫的姻事。又許老夫一同居住。只因要回下處去收拾些琴劍書箱。所以暫辭一刻。不知他又為甚事羈留。昨晚竟爾爽約。老夫令人去請。回說一夜未歸。今早又着人去。想

必此際也好來了。我又差人去請呂吉輔來相陪。不是誇許嬌婿的才情。也只是過惜會元的丰度。昨日女孩兒又把伴雲拜了姐妹。老夫閨中又添一女。亦算一件喜事。只差再不能勾又尋出宋郎。這般一個才貌雙全的快婿來了。

前腔副淨全雜介上。心緒如麻。持狹欲奢。好名兒要萬年誦。咱衆論都排。一心默主。這機中竅。源頭水。個中挈。

適奉王師相見招。只得訪來領教。雜報介呂爺到。

又雜稟介稟太師爺。呂爺到了。淨請進來。各介副

師相見招。有何台旨。淨今日並無他事。昨見會元

宋再玉。才貌雙全。又止一十四歲。老夫與他面訂

了小女的婚姻。他又允我卽刻移來同寓。所以特

請足下到此。一則鑑賞他的丰采文華。二則還懇

執柯作合。玉成美事。副東床既已面訂。媒妁安坐

素冷。晚生到覺有此惶恐。淨老夫還要奏聞聖上。

未聖上作主哩。副如此說。晚生更沐恩光多多多矣。

淨連日有甚異聞否。副連日並無他說。只聞前日

令弟出城。曾與監門鄭俠抱頭痛哭。又聞近來鄭

俠請一畫工。畫了許多難民景狀。說道還要上疏。

請停新法哩。淨難道鄭俠也有此等議論。副正是

呢。他是師相門下之人。如何也是這般外向。淨諒

他斷斷不敢。

漁家燈淨他須是門裏桃花也。難道射影含沙。最堪

憎一片羣疑致令得許多驚訝。副那鄭俠果生妄議

呵是他見差耳。自棄南金價也。只是聞孤識寡。合

慢誇瓊枝美葩。乘龍婿十分俊雅。

前腔雜介上笑無知井底蝦蟆。纔得志便爾奢夸。你

雖說不附權門。還只怕難走天涯。稟太師爺那宋會

元竟逃走了。淨副介何以見得。雜小的呵等他。並

不見歸來駕。慢俄延仔細搜查。淨副查着什麼東西

呢。雜奸詐膽如天大。這詩辭豈容虛假。

副有詩麼快取來。雜介淨副介天定師生不可移。

無端翁婿肯相隨。今朝拂袖歸山去。白眼權奸女

作楣。淨介阿呀。這畜生如此無理。罷了罷了。氣昏

介副雜介太師爺且免愁煩。淨老夫卽刻奏聞聖

上。一面着令巡城官員細細挨緝。一面行文原籍

星火拘拏。還要併逮父兄。嚴加重治哩。副師相請

息雷霆。晚生亦當代爲分緝。決不怕他飛上天去。

就是那個監門職掌。保甲專司。也難避個稽核。尖

嚴之罪哩。淨言之有理。

撲燈蛾心中氣怎抵。口內頻頻咤。無賴小狂生。焉敢

出言輕薄也。恨不得萬刀千剮。副速行文五城緝查。

雜再差官原籍鎖拏。合決不比撈針海底少根芽。

尾淨這番掃興真奇咤。氣得人如聾似啞。副還只怕

別有同謀須要再訪查。

集唐淨

心中自不平

副

日暮且孤征

悠悠洛陽去

徒有羨魚情

第貳拾齣

再遁

尤侯

商調山坡羊。老旦哭上。苦啾啾。在他鄉的迤逗。痛切切。撇家園的馳驟。遠迢迢。知甚日的歸期。急煎煎。按不住的肌膚抖。宋之仁呵。你這不達世故的老殺才。你這跼蹐小人的老怪物。你看看。那一家是兒子上京會試。就要挈家逃走的。你今奔走天涯。歲形匿影。可也羞不羞。宋之仁。宋人也。你那裏是什麼得天民。你往何處走。見人能不醜。棄了田廬。還教誰

看守。想起孩兒甚時聚首。我好苦也。我那兒呵。我自凝眸。未知伊志可酬。我更懷憂。未知伊樂也愁。

前腔。末上。笑嘻嘻。正春殘的時候。暖融融。好遊觀的巒岫。介。媽媽。你撲簌簌。沒要緊的悲啼。到不如好端

端。山共水的花和柳。老介。呀。啐。沒志氣的老殺才。末咳。媽媽呵。你休破口。莫效獅兒吼。消停數日。自有

機關剖。那再玉呵。難道不是我的孩兒。把他棄如敝

筵。前合

木媽媽不要哭了。收拾行李回去罷。**老**若果回去。

我就不哭。**末**我着莊頭喚船去了。想必此時就來。

雜介上船兒喚了不歸去。且騙家婆走四川。稟大

公船有了。**末**這等媽媽快去收拾行李。卽刻下船。

老介果然的我去收拾。快快回去。聞說歸家無限

喜。速乘風浪走雲烟。**介**下**末**莊頭一路上不可說

往成都去。只說回家便了。**雜**只恐四川路遠。又要

起片換船。倘在途路之中安人得知緣故。也是這

等哭叫起來。如何是好。**末**路途之中我自安慰。到

了前途。還有妙法兒勸他哩。我去幫他收拾收拾。

你在此間安頓船隻便了。**雜**曉得。**末**再四叮嚀休

漏泄。莫教紅淚洒瀟湘。**介**下**雜**笑介你看我這宋

大公。真正也忒煞作怪得緊。一個兒子上京會試。

竟像遭兵失火的一般。搬到東搬到西。如今假說

歸家。要往成都賣卜。又怕媽媽得知。叫我再休漏

泄。我是自然不泄的。只怕你自家要泄哩。喂。船家。

撐到這裏來。船雜介上。雜少刻我家安人問你這
船往那里去。你只說往洛陽去的。船雜我是短檝
的小船。曉得什麼洛陽不洛陽。我不管這些閑事。
雜罷了罷了。你只老實說是換船罷了。你却上來
和我搬搬行李何如。船雜這個使得。介雜大公安
人。請下船罷。末老介上不多囊橐蕭條甚。一片胸
襟春水明。你去取了行李來。雜大公安人坐穩了。
船家你接行李。雜搬隨意。譚介末搬完了麼。仔細

看看不可失了。雜還有一箇夜壺哩。各譚介

簇袍鶯簇御林。合回家去。且上舟。樂田園莫浪遊。今

朝幸爾開眉皺。老莊頭。雜介老你與我分付船家呵。

叫他快些撐。休住手。雜譚介船家。船雜應介皂羅

袍。雜你把篙兒緊架。柁兒緊攬。櫓兒緊溜。槳兒緊

捺。隨波直到家前後。黃鶯兒合不須憂。門庭改換兒

占錦鰲頭。

集唐老歸思欲沾巾

末支離笑此身

雜故園桃李月

合寧羨五湖人

第貳拾壹齣

閨憤

庚青

南生查子旦何事短長吁。使我難聞聽。小旦姐妹意
中緣父女緣中證。

各介旦一夜長吁不住聲。戴星聯珮早調羹。小想
因家國雙眉結。處子深閑慢許評。旦妹子。不知爹
爹爲着何事沉吟。不樂得緊。小想必爲着朝廷之
上。有件難決之事耳。

紅衲襖旦莫不是熱肝腸動不平。小爹爹何等威權。

若有不平。豈難讐服。必不爲此。旦莫不是老婆婆

難執政。小爹爹年力正強。也不爲此。旦莫不是察家

中不同些愛與憎。小這是有有的。但爹爹是極有鎮靜

功夫的。若爲此事。也未必就形于聲色。旦莫不是

道途間見聞些批也評。小爹爹常說天變不足畏。人

言不足恤。祖宗不足法。這人言嘖嘖之說。更不是

了。旦妹子我和伊這些兒解不清。怎做得切辰昏

調熱冷。到底是女子無能。不及男兒溫清也。淚介只
好這對妝臺淚眼盈。

妹子。你也想想看。爹爹煩悶。却是爲何。

前腔。小姐姐莫不是小妹子奉爹爹不志誠。旦豈有

此理。小莫不是念慈親早晚間悲孤另。旦淚介爹

爹若爲母親愁苦。就該對我說了。小莫不是飲饌

疎筋難舒。失祇承。旦爹爹從來極其淡薄。小莫不

是服飾荒少。安和欠嫻婷。旦爹爹衣垢不澣。面垢不

洗。世人多稱其賢。這服飾欠精之說。一發不是了。

小這等說來呵。實難猜意不寧。越教人魂夢做。介

這番妹子猜着了。旦却爲何來。小端只爲膝下無

兒難繼。這一種書香也。還曠了聖恩多暗楚。癩。

旦這也或者有之。內吟喝介小姐姐。你聽門上吟

喝聲喧。想是爹爹歸第也。旦聽介內喝稟封宅門

介旦呀。果然爹爹來也。

前腔。淨怒介雜侍女隨上。我氣難伸。豎鬚眉動日星。

恨難平。鼓風雷。忙追兢。少不得不容他。死共生。少不
得不容他。縱也橫。我兒那里。旦小。爹爹回了。爹爹你
爲何的怒氣騰。淨介。旦小。呀。又原何頻咽哽。有甚傷
情說與孩兒詳細也。再不可老年人。愴憤盈。

淨。我並不爲着別事。前日會元宋再玉那畜生。已
曾面訂姻親。遂肯移住我寓。誰知他騙得出門。竟
自逃走了。小。爹爹何以知他逃走呢。淨。見有詩
句在此。旦小。念前詩。介。小。原來這等可惡。如今爹

爹仔麼處他呢。淨。我已奏過朝廷。一面挨門逐戶
細細緝拿。一面行文原籍有司。捉他父兄。究問定
要招他。一箇滅門之罪。方消這種惡氣。

前腔。旦。哭介。爹爹。你莫愁煩。且耐寧。又何須爲孩兒
多焦悴。小。雖只是小狂生。行不經。還勸你老平章。少
震驚。淨。兒呵。他太欺人。不可名。我肯甘心。空自瞋。合。

這都是前世冤家。驀忽地相逢也。話不投機。劍也鳴。
旦小。爹爹。且開懷。忍耐此。淨介。罷。我也管不得你。

們了。正是羞多從怒泄。思重繼仇生。介下旦呆介
小介呀。姐姐快快不可如此。旦大哭介我那親娘
呵。當初生我方雲。若是一箇男子。焉有今日。小姐
姐。只那爹爹氣憤。還望姐姐寬慰。如今姐姐悲啼。
叫我何爲生活。我那親姐姐呵。

九疑山香羅帶。你休將怨恨生。惺惺自惺。寒酸魍魎。
何重輕。貧兒得志。敢相誇也。犯湖濱旦妹子我此情
能不省。豈爲婚姻勁。怪他們詩句太欺凌。恁般獐獍。

癩畫眉小狂生妄作固堪憎。閨內裙釵意自平。春

情不染志驕矜。醉扶歸。旦原非抖亂清波影端只爲

侮慢爹行氣滿盈。教人觸發堪嗔諱。梧桐樹小還須

再品評。仔細叅行徑。他爲甚冤仇。故爾違親命。定須

有個言兒証。瑣憶寒旦總然的衆醒。吾醒難經。苦辣

共酸辛。又何須再有叅衡。大迂鼓。小書生未長成一

團孩思。不識逢迎。狂言驕倚。才華顛。解三醒旦他雖

是志飛騰。長風巨浪。帆兒徑。早難道目斷天涯。喪老

成情難瞑。劉檉帽小他們自恃無恭敬。鏘與鏗。少不得災和青。

尾合可憐釵釧蛾眉。淚盈盈如痴似醉。怎得個劔冷鋒寒。斷寡情。

集唐
劈破雲鬟金鳳凰。蓬門未識綺羅香。
且安懷抱莫惆悵。八月銀河路更長。

第貳拾貳齣

請禱

尤候

越調越撲頭錢雜走得氣兒吼。又雜急得心兒抖。合掛告

示總是胡廝。紐清保甲何曾有。真好笑。沒來由。婚姻不就會元丟。拿住了把繩扣。

雜夥計我們都是地方緝事的。番子手。你道古怪不古怪。一個十四歲的小孩子。中了會元。當朝王

太師又要招作女婿。他竟一溜烟走了。這個人想在閻王面前。罰了咒來的。不敢冲犯着紗帽老婆。

這兩件東西哩。又雜夥計。你不曉得各人自有一種心病。雜據你說來。他有什麼心病。又雜想那王

丞相定是愛男風的。他怕得緊。故此走了。**雜**吓。這等比較緊急。還要取笑哩。快些挨緝去罷。正是隨他走上焰魔天。脚下騰雲須尅上。**介**下

前腔 **雜**冠帶二役全上。職級卑無偶。日夜沿街走。打捕役強把精神抖。見上司風擺柳。畧差池說也醜。今朝比較甚擔憂。得平安把神叩。

自家司坊緝捕是也。好端端走了一個新榜會元。又是王太師的愛婿。如今奉着聖旨。日夜搜拿。務期必獲。不特行文原籍提彼父兄。竟且殿試俱停。限完此案罷了罷了。我這一箇草芥前程。少不得斷送在他身上哩。**役**稟老爺。本坊人戶。不論官宦庶民。無不搜查遍了。只有庵堂寺觀未曾搜緝。**雜**少不得也要細查。**役**還有皇姑寺。可要查查看麼。**雜**皇姑寺中誰敢查得。況且寺裏俱是女姑。料他不便藏隱。只往別箇寺觀之中去罷。**役**喝導。譚介。雜。你們還要喝導。老爺的死。就在眉毛上哩。悄悄

的走罷。正是賊在眼前拿不着。可憐緝捕活遭瘟。

介下

金蕉葉 二旦同雜扶淨上 心頭口頭恨難舒羞顏更

醜這冤家丘山怎伴恨介病魔來愈增慚忸

淨恨切心中不可當。絲絲寸寸斷人腸。旦休為兒

女工疼熱小孔孟伊周事業長。旦小爹爹夜來身

子困乏不可發怒。諸凡忍耐些罷。淨我的兒。父親

只因無子。向來擇婿甚專。以為得了再玉這箇畜

生。就要靠他存沒依倚哩。誰知這箇畜生如此忍

心害理。言之能不令人氣死。介旦小介爹爹請自

寬解。如此負心之人。何必諄諄在念。淨我的兒。他

雖狂妄無知。我却此心不已。想起你來。必須得此

良配。方不虛度此生。言之不覺刺心酸鼻。我我總

是氣不過也。介旦爹爹莫為孩兒痛苦。使孩兒一

刻難以置身。小爹爹法度森嚴。如今風火拘拿。諄

他不能藏隱。待掣到時再作商量便了。淨兒呵。我

將此情奏聞聖上。奉聖旨將那緝捕官員着實切責。勒限必獲正犯。還要提究父兄哩。就是那殿試大典已都停了。旦小原來如此。

祝英臺旦爹爹呵。你爲孩兒。甘自苦。萬緒繳如網。搜擾軍民。羈遲大典。都只爲兒移游。淨嘆介旦啾啾。老人家蹙額攢眉。使孩兒痛心疾首。旦小合望寬懷。慢慢隨天分授。

淨我的兒呵。若你二人之中。一箇是箇兒子。我就好。只因都是女兒。致受畜生欺侮。

前腔換頭小叅究。端只是沒男兒。多女子。致令爹爹心忸。姐姐。你是天上神仙。奴是房中賤婢。何不少別薰蕕。淨旦既已定過名分。又要如何分別。小爹爹姐姐

在上。孩兒有句不知進退的言語呵。未卜爹爹姐姐聽否。淨旦你有甚麼說話。但說何妨。小若依孩兒臆見呵。暫將奴扮了男兒。奴拚取出垂露醜。淨旦看伊家。鬢低蟬影非儔。

四元記 下卷 五
淨這箇不便。

前腔換頭。且背介我詳剖。何如借徑行權。姊妹一雙
伴。爹爹適纔妹子要改男妝。去爲爹爹爭氣。孩兒細
細思量。却是有理。淨你又來了。男女二字。可是假
捏得的。且爹爹不是這等說。孩兒久在深閨。不知
外邊風景。前日曾與妹子。綉下皇姑寺中紫姑仙
女座上。檐兒一對。向來要去張掛。不敢告稟爹爹。
如今爹爹身子欠安。意欲去了妹子。前去寺中掛

檐祈保。正愁相府門風。難以裙釵出入。既然妹子
有此定見。孩兒和他暫卸女妝。改作男扮。前往寺
中。一則祈保爹爹疾病早痊。二則探聽些兒路人
議論。這箇主意。到也儘好。只恐離膝遨遊。乍經閭
閻。趨前退後。含羞。小姐姐姐你休憂。任他們擾擾紛紛。
搖擺介。我只是岩岩岫岫。淨這其間。恐被人知遺
話。

且小爹爹既不放心。我們就此妝束起來。試試何

如梅香去取巾服兩套來。雜應介下。淨為父的氣憤甚深。卧病不起。你們反要作此小兒痴態。旦小兒輩此舉實實也。因氣憤不過。特為爹爹少舒懷抱耳。

前腔。旦小知否。若非伯道嗟呀。傅粉又何求。雜介上。

二位小姐。你看簇新的兩頂包角。兩件鮮衣。在這裏。旦小穿戴介。冠覆雲青。襟開霞錦。依然秀色侵眸。雜只差脚太小些。靴子穿不得。這怎麼處。旦小這

箇不難。介你與我把綿撓。怪他窄窄春尖。我且重

重蘭扣。各行介。旦爹爹。你看這箇模樣。可以像得兩

箇兒子否。淨淚介。像到也像。只是不真。介旦小如

今既已告稟爹爹過了。明早要仝乳娘。準備轎馬。

前往寺中進香去哩。淨介。只怕不便。二旦不妨事。

淨看了這箇光景。越使我為父的痛心也。你們要

去寺中上旛。明日就是這般去去罷。看將來。叫人

悲喜同投。

集唐

日何事明時泣玉頻淨賈生才調更無論

小花鄰遊駒紅隨轡合水木空凝夢後身

第貳拾叁齣

探囊

東鍾

南

太師令小生打冬烘步步如尋夢走得我神荒臉

紅我蒼頭自從那日送會元到了皇姑寺裏之後又

在近京地方藏住幾日打聽些兒行藏消息誰知

那奸相呵他設陷阱彌天縱橫嚇得我奔走如風

愛王安石呵王安石你也何苦上着這般的狠着

嚴保甲半針無縫清道路曉夜途窮不要說我蒼頭

沒處安身就是這些隻身旅客呵可憐他戴雨且

冷風最堪傷不分鱣鯉一般同

昨日蒼頭回到洛陽城下只見懸掛榜文要拏老

主被我疾速轉身連夜遠遁如今到此山深人靜

之處我且仔細打筭打筭再作進退之計何如

前腔這等風雷天地動我那主人呵早難道神從志

容想來此際定是到官的了我若不去看他一看豈

不枉了我的誠心。忘了他的恩養。急走介罷。我回去罷。又住介。且住。我家老主是極有見識的。未必至于安然就縛。倘我一出出去。被人拏住。倒反悞了大事哩。細思量舉止堪痛。好教人肺擾腸攻。我想老主人呢。或者可以暫時逃遁。只這主母家人。萬萬不能免于桎梏桁楚的了。老主母衰年惚惚。怎經得到公衙羣聲哄。須知道官情紙同。這時節呵。劫誰關節可能通。

介左思右想。還是出頭的好。介且慢且慢。當日出門會試之時。主人曾付錦囊兩箇。叫我到了難以分解之時。折開來看。前日不是錦囊內的計策。如何勸得大相公改救。今日是定要拆開這一箇哩。

太師垂繡帶。太師引我的淚珠紅。還解囊兒縫。看其中如何示儂。天呵。若得箇平安春夢也。等我一刻惺惚。看介呀。囊中又是五言絕句一首。得失休留滯。何須問洛陽。泊舟京口驛。共汝細商量。介看起這首

詩來。主人今在鎮江京口驛邊哩。不免速去找尋。則箇繡帶兒我匆匆。少寬心不必徒驚悚。速前奔。莫多摩弄。這幾日會試錄是定然有了。相公之中早已知之。只這招婿一節如何曉得。會元錄遍迤如風。又安知相府中要他跨鳳乘龍。

咳。老主老主。我蒼頭涉歷開關。流離旅况好不苦也。

節節高。新條法頗雄。路途中。萑苻嘯聚堪悲痛。冷風

露辟草茺。耽饑凍。終朝淚雨如潮湧。愁腸百結和誰控。如今喜接錦囊音。忻忻自覺春風動。尾還須着意留心詞。畧有些狐疑未通。但不知主母家中吉也凶。

集唐

未知甚日到龍津。柳市南頭訪隱淪。
長卿只為長門賦。飛入宮牆不見人。

第貳拾肆齣

上旛

江陽

商調 吳小四。丑雜生。全上不成雙。歲月長。更殘枕簟涼。

番來覆去自商量。夢遶巫山樂未央。是何人錯打鐺。

丑徒弟們快快整理儀容。安排香火。今日王太師

府中兩位相公前來上旛許愿哩。生那箇王太師。

丑就是當朝極品王安石太師。生他家只有女兒。

沒有兒子。這相公是誰。雜管他什麼有子無子。總

是他家的人。不可怠慢便了。丑正是各介。雜扮道

人急上觀主師父那裡。丑仔麼說。雜王府相公已

到山門了。丑徒弟敲鐘搥鼓。我去迎接。玉真子點

茶。生衆應下。內作鐘鼓响介。

風馬兒。旦小旦老旦雜全上。紅樹枝頭日月長。花在

地馬蹄香。向玄關虔禮碧雲幢。惟願取慈親仙去老

父人康。

丑接介。大寺觀主迎接二位相公。二旦不勞了。內

吹細樂。鳴鐘鼓。二旦進介。丑請二位相公先拜這

大羅仙。二旦拜介。

誦子令。丑白石先生眉髮光。已分甜雪飲紅漿。七尺

花虬一聲鶴。丹粉經年染石床。
合伏望金仙鑒炤。受此名香。

各介丑請二位相公上旛。**旦**小介這就是紫姑仙的聖像麼。**丑**正是。**二旦**拜介。

前腔丑兄弟君家不可當。禁城春色曉蒼蒼。月在上
方諸品淨。漢宮題柱憶仙郎。
前合

丑請二位相公前後遊觀。**二旦**這到不消。若有空閑靜室。我們清坐一回到好。**丑**如此說。小徒玉真

子房中頗靜。請二位相公到彼獻茶。**二旦**既有幽僻清齋。閑人不可進來。僮俛止留方乳在此承值。

衆介下丑二位相公這裏來。**旦**正是一院落花無客醉。**小半**牕殘月有鶯啼。**介下**生持茶器上。大道直如髮。春日佳氣多。五陵貴公子。雙雙鳴玉珂。我

宋再玉。一向只道王安石沒有兒子。故要把我招作女婿。我之不就。姻親埋踪道院者。實欲坐視老奸傾覆。欺他傳接無人耳。今旣孽種英英。又且丰

神灼灼。我這一頂女道冠。恐不是箇終身結果之場也。今日派了一件司茶之役。只得前去承應。且看他們志願何如。再作道理。

二郎神閒惆悵。暗教人淚淋漓。悽愴我萬丈雄心深自快。怪奸雄有子。我這斯文氣節頽光。我今前去送茶。不免細細探他學問情性。可否有爲。然後另生計較。我且護尾藏頭。休悲喚慢。俄延細心咨訪。呀。前面老姑姑同他二人來了。合見了呵難當。俊丰

姿更兼體態飛颺。

前腔換頭。一旦老丑全上。清涼松看雨過。花凝日爽。

幾處簾鉤閉不放。丑介玉真子過來。見了二位相公。就請二位相公。在你房中吃茶罷。生二位相公。貧

道稽首了。一旦介見仙媛美麗。何須金翠輝煌。生

請二位相公小房告茶。一旦只聽他一語春生雲

外響真箇是紫姑仙降。前合

作進生房生放茶器。丑設坐。一旦世外真妃不勞

僕僕。我們竟坐了罷。丑生多謝二位相公如此垂愛。二日寺中共有多少道姑。丑不到五十之數。生老太師調燮功高。朝野望重。二位相公又這般才貌不凡。神情秀逸。爲何不見早試棘闈。蜚聲翰苑。其自埋沒乃耳。

集賢賓。旦家君伴食羞廟廊。又何曾周孔齊行。我弟兄二人呵。不識之無空自長。生休得太謙。二位相公乃薄天子而不爲耳。旦又焉肯自棄書香。還有

衷情慢。生相公有甚衷情。何妨請教。旦我喪慈親。學業原荒。生休得太謙。合真個儻兩下裏一般摩想。

丑相公再請杯茶。還往各房間步一回。小只此清談足矣。何必他去。

前腔。天花自墜青鳥翔。又何須別院傳香。這玉真道姑呵。看他衣繡春雲。風度爽。禮茅君相次。倘伴星冠鶴殿。可惜你是一箇女人。若是男子呵。早晚間勤

來咨訪。前合

簇御林生。背介看他金爲質。玉作腔。落珠璣。字字香。昨凝秋水。神情爽。可惜我竟易了女粧。若是仍舊男

子模樣呵。與他們同究講。細叅詳。相公執拘。慢慢

且商量。

前腔。老神情到。意氣長。暗教人看欲狂。可憐一樣釵

兒黨。丑莫間言。須饋餉。請二位相公呵。上雲臺。青精

爛煮香積。點茶湯。

琥珀猫兒墜。雜上慢勞多講。殘日早偷牕。价業傳呼

頻責攘。閑雲不繫瑞麟香。合思量。白日傳心。金根話

長。

雜進介。稟上相公。外面貴從相催。座上素齋已備。

請赴雲軒。少沾石乳。二旦不必賜齋。就此告別罷。

生一定要請吃齋的。

前腔。我情安往。翻覆抖人腸。不見如何成色想。流風

入座笑歌長。前合

尾丑今朝幸辱軒車枉。雜夢寐從茲索阮郎。生好教我羞怨胸中不可量。

旦花枝出建章

小隴隴辨夕陽

集唐

生乍見翻疑夢

合行吟白日長

第貳拾伍齣

虛捷

支慙

鍾黃

出隊子雜莊頭浪子。日日湖山醉酒卮。安人哭得

眼無脂。家主忻然十二時。我在中間胡支亂支。

你道好笑不好笑。我這老家主。瘋也瘋出了神兒。

子會試出門。自家挈家逃走。西湖風月儘好。又想

遠到成都。前日只說回家。騙了安人來此。如今泊

舟京口。聞邊筭來。將有一月。安人呢。日夜炒鬧。要

他開船。大公呢。假作病腔。就醫調理。暗中教我。在

這大道通衢。等待蒼頭回話。我說蒼頭此際。若是

相公不中。自然已返故園。設使早中高魁。必在京

中快活。如何等得到此。他又說道。見過會試小錄。

相公已中會元。曾有甚麼錦囊密計。付託蒼頭。只

四元言
一
怕時下有此信息。若待會試正錄一到。不見蒼頭歸來。就要不顧安人死活。一同載往成都去哩。真正老猷不必採他。我只是要穿得暖吃得飽。隨他驅使便了。管他天上去。地下去。介呸。好株大樹。天氣漸熱。不免樹下坐坐罷。正是蒼頭不見來。莊頭且受用。樹下好乘涼。倦去還尋夢。坐介

前腔。小生蒼頭來此。南北奔波。旦晚攷家鄉。搖落夢回時。土國春風不可思。何處輕帆左斯右斯。

這裏却是京口大道。仔麼不見一些動靜。尋介雜

介來的好像蒼頭。各見介呀。果是你。小老哥一向

好。雜托庇粗安。相公可好。小好。主人在那里煩你

引見。雜主人的船就在前面。他說若見了你。叫你

坐。在這裏。我便假說肚疼。隨路叫下船去。大公只

做替我買藥。就來會你。小爲何要是這般做作。雜

恐怕主母生疑。所以如此。小主母已在這裏麼。雜

也在這裏。小好好。雜介你坐着。我粧肚疼哩。小且

到船邊粧罷。雜先試一試。省得做出馬脚來。諱介

下小介咳。大公大公。你事事詳密至此。果是一箇

明哲保身的大豪傑也。

畫眉序。真箇好窮思。舉止週旋。不露疵。為全身遠害。

避世違時。錦囊中字字無差。關鍵處。樁樁如試。未知

相見又何之。遙望布袍來至。

前腔末。一聽意孜孜。凶吉如何。我心刺。急慌慌到此。

探彼情辭。料非是衣錦歸來。只問取向違遷次。見蒼

淚介。見卿已卜榮枯事。郎君生死何知。

小叩頭介。小的叩頭。不知老主安人。一向好否。末

我只問你。大相公在否。小在。末。還好。小主人何以

痛言及此。末。若不見忤時人。定得功名富貴。設或

義憤所觸。安能完璧歸來。此亦常理。何為痛言。我

與你就此樹下席地而坐。你把出門至京事跡。一

告我知道。小小。的怎敢與主人坐。末。路次長談。

何分主僕。遷延遜避。反起人疑。依我坐了好。小。這

四元記 下卷
等小的大膽了。各坐介。

啄木兒。小離家後。旬日時。前到京華勞頓止。大相公

呵戰三場錦陣先驅。掇巍科禍機胎始。末中會元

是我早知道了。正要問你得禍之由。是何緣故。小

今科座師就是王安石。他一見見了大相公的才

貌。定要招做女婿。末大相公立意如何。小大相公

呵立心不受權奸飼。連宵遯跡呈姑寺。末怎生一

箇遯法。小全靠著秘計神謀囊內詞。

末到底改了女教麼。

前腔。小將男改。做女兒。奔入空門人不至。那奸相不

見了會元的時節。遍軍民戶戶挨查。到洛陽索源

追址。末你可到家不曾。小小怎敢歸里。只到郊關

畧探從前事。含悲又把囊兒視。方曉得老主他方竟

久時。

末咳。苦了你了。你今前去。見了安人。切切不可說

起大相公避難改粧一事。小却是爲何。末主母聞

之。豈不痛死。小這等小人怎麼說。末你只說相公已中二甲進士。選了成都司理。叫你前來接取我們上任。勸他到了成都。然後再作計較。小小的還是往南往北。望乞員外說箇明白。不要又是錦囊。令人疑慮。末你見安人之後。只說相公等你前去。方好起程。你便辭了我們。仍進京去。不離皇姑寺側。探聽相公下落。且恐女伴難以久居。安石水山立倒。那時相公必要出來殿試。你只叫他一過傳

臚。卽告終養便了。你今先去。假作搭船之狀。隨機應變而行。小小的曉得。只不知船在那箇所在。末開邊第一隻便是。小這箇好認。正是一豁一整。生平事。極顯極榮。我不居。介下末好了。好了。得了這箇消息。正好騙得媽媽。媽媽成都去了。不免前邊買藥。一帖入船去罷。假藥醫真病。真情托假言。介下老旦介上無端久泊江邊棹。有意閑窺岸上人。員外上去贖藥。爲何許久不來。介小生介上船上大哥。

與我搭搭船去。雜船家上我這船是有女眷的。不搭人的。小介便搭一搭何妨。作上船介。船雜說不搭的。你仔麼走上船來。各譚介。老這人好像蒼頭。船家問這人可是洛陽宋家蒼頭麼。船雜問介。你是洛陽宋家蒼頭麼。小我正是。你却爲何認得。船雜我不認得你。艙裏安人認得你哩。老介呀。果然是蒼頭。蒼頭你不在京中伏侍相公。却來這裏何幹。小叩頭介。相公已中進士。選了成都司理。着我

來請員外安人。一同赴任。小的先到洛陽。聞得員外西湖遊戲。所以特特尋來。却好這裏相會。不知員外今在那裏。老莊頭偶疾。贖藥去了。末介上。夫婦何勞機巧。逼防微杜漸。奈何天。老這不是員外來了。小員外叩頭。末介你不在京中來。此何幹。老兒子做了成都司理。特差他來。迎接我們赴任。末家園要緊。我是不去的。小小主再三致意。必竟要請員外安人一同去哩。末我不去。老說。老頭子。今

日也怕兒子年少。不諳世情。明日也怕兒子年少。不諳世情。你若不去管他。叫他如何裁處。況且親事未定。也得我們前去。完他這樁大事纔好。末我在家中。你自去罷。小數千里路途。老安人如何獨自去得。雜介上。還是大家同去的好。我已先與船家說明了。即刻就開船哩。小說你有病。爲何就好。雜聽得主人做官。不覺好了。末這等說。這帖藥是不用的了。伴丟介。

三段子老憂愁欲死。鎮終朝念茲在茲。而今笑啞。速揚帆朝斯暮斯。末只恐田園不得親瞻視。家鄉夢杳難蒸祀。何不返旆歸寧。慢籌進止。

小還是早去的是。末這等我們水路慢行。你往旱路先去。接着小主。也好回他的話。小小的領會得。就此叩別。老飯也吃些。待我收拾些衣服盤纏與你。小接着小主就有了。不勞安人費心。拜介

前腔合暫分舟駛。到成都莫教後時。長途起趨。怕風

霜宜調膳餐。爹娘望子心如翅。孩兒望母情如刺。兩下縈縈一般如此。

小作上岸介老蒼頭你好生伏侍小主。小曉得作

開船下介小市場

尾大公呵大公你一心避世求安止。忠孝傳家不苟

持。會元會元。但不知你此後前程泰也疵。

不識陽關路 風波下洞庭

集唐

三春時有雁 孤絕盡難形

第貳拾陸齣

假子

齊微

中菊花新 副淨雜隨上 鐫磨不似口頭碑。萬世千秋

頌阿誰。吾道豈能摧避。匡人又何顛顛。

下官呂惠卿連日王師相為因失了愛婿。着實憤

恨不甘。遂致愁病交攻。臥床未起。中書省虛位多

時。殿試期竟為停止。咳。朝廷之上。少了這位老先

生。就不成箇局面了。下官與他品位畧殊。心胸如

一。豈有同躬痛癢。休戚得寧之理。今日匆匆出署。

作急前去問候。長班。雜介副速往王太師府中去。

雜介副文章道義皆餘瀝。權要經營肯放讓。介雜

門上有人麼。又雜上什麼人。雜呂爺到此。時候太

師。又雜少待。介下雜通報去了。或者要見。副自然

見的。又雜上請呂爺到碧井軒中少坐。太師出來

相會哩。副長班迴避。雜介下又雜引路。介副雕欄

曲曲琅玕秀。荷葉青青翡翠新。滿院碧欄初護日。

一蹊嬌草嫩鋪茵。果然好箇池塘臺榭也。雜呂爺

這裏請坐罷。副介

前腔淨雜扶上斯文未已泰山頽。捨我其誰恨且悲。

兒女苦攢眉。失人明俯襟多愧。

吉市在那里。副介老師相貴體。偶爾違和聖天子

竟為徹樂減膳。惠卿不遑寢食。廟堂竟乏主持。正

所謂師相一身。萬民仰賴。伏祈少息閑愁。早敷衆

望為妙。淨連日緝得有些動靜否。副毫無動靜。淨

不知鄭俠近日如何。副不要說起。鄭俠圖已繪完。

四元記
奏着天久亢旱。那些饑民蜂擁。正要思量上本哩。
淨有這等事。就該先下手了。
副惠卿也在這裏打
點哩。且小旦男扮上。綠牕有客論新法。紅粉無言
入笑題。作見人速避介下。副師相府中。從來沒有
這等兩位翩翩公子。這却是誰。
淨先生不要說起。
說來竟要羞殺了人。副還求老師相明白說知。這
是那箇。

泣顏回淨心事怎堪題。意兒中萬種悲啼。無兒承繼。

書香一脉披靡。

副適纔二位。畢竟是誰。淨附耳介。這

是繡牕姘妮。戴儒冠笑耍痴難已。竟無端冒瀆尊
前。恕星星小孩無禮。

副是兩位令愛。淨前日小女要到皇姑寺中上旛。

學生說道。相府閨娃。不好去得。他却暫改男粧。去
了一次。是那日歸來之後。就不肯戴上女冠兒了。
竟是這般男人打扮。看將起來。竟像兩箇男子。你
道好笑不好笑。

前腔副深閨笑語乳鶯啼。嫋嫋風前嬌倚。看他冠裳氣度。翩躚眉宇。雙竒。老師相在上。惠卿到有一箇主意。不知可以入得鈞聽否。淨有甚商量。何妨指教。副我有片言咨啓。師相與惠卿呵。爲無兒鎮日情難已。到不如借此裙釵。戴儒冠暫時充餒。

淨這箇怎麼使得。副師相爲着擇婿一事。受此狂生玷辱。如今將令愛認作令郎。暫時舒一舒憤也。好淨兩箇小女才學有成。若做男人。狀元也中得。

過但恐將女作男。冠裳冒濫。羞對影余。難安寢食耳。副不妨不妨。自古至今。不知多少將女作男。冠裳冒濫之輩。只要遮掩得好。不露聲色。這就罷了。

淨便是這等說。只怕難免不露呢。副師相太老實了。司馬懿在百萬軍前。尚其巾幗之誚。何況我們借巾幗以誚人乎。淨真箇不妨。副不妨。淨若如此說。就將次女送與足下爲子。豈不兩全其美。副如此更見老師相之愛我矣。揖介淨此意已決。分付

四元記 下卷
方乳請二位小姐出來。雜傳介

千秋歲。旦小男妝老旦同上。根狂生。暗裏羞難洗。到

不如改妝藏耻。淨兩箇孩兒快來。旦小旦喚語如雷。

喚語如雷。因甚事。這般般聲沸。介淨過來與呂先

生見禮。二旦揖介淨副大笑介禮度嫻無他議舉

動週偏伶俐。伶俐真無比。三旦合怪他們偶語。此意

狐疑

淨呂先生在此商量。要你二人卽假成真。妝做兩

箇男子。你可肯否。二旦此實兒之夙願。不敢請

淨副介原來你們亦有此心。淨大孩兒名喚方雲。

今旣做了男子。改名王雱便了。小孩兒名喚半雲。

今去呂家。當易名爲呂伴罷。二旦敬聽爹爹分付。

只是姐妹兩分。其情難捨。副這箇不難。總是通家。

你二人一家一月輪流共處。意下何如。二旦這箇

使得。老天下只有輪養父母的。那裏有箇輪養兒

子的。真正又是一件新法了。淨休得胡講。分付兩

家男女不許沸騰漏泄。老介是。二旦如此二位爹
爹請上。孩兒一總拜哩。

紅綉鞋合這番妝扮希奇。希奇真真假假誰欺。誰欺。
天和地我能移。男共女總成非。栽桃接李何知。何知。
尾從今玉樹同依倚。快好把鉛華淘洗。早看取襖衽
裙釵換錦衣。

集唐

旦學書須學衛夫人。淨蛺蝶雙雙護粉塵。
副歸來得問茱萸女。小夢裏輪贏總未真。

第貳拾柒齣

發妍

魚模

仙呂 皂羅袍 雜扮饑民上 不住。汪汪淚雨。遍深山窮谷。
僻井通衢。蓬蒿滿地不堪受。賣男鬻女挨門戶。青苗
逼迫瘡痍道途。方田市易。哀哀莫疏。身披枷梏沿街
仆。

苦呵。我們都是京城百姓。王安石這天殺的。一行
行了一箇什麼新法。把這幾箇百姓。弄得永不充
身。食不充口。又值年歲饑荒。三時沒雨。你看惟有

蝗螟滿地。幾曾碧綠侵眸。那些官府是比較一日也不肯遲。這些新法呢。越發一樁也不肯歇。眼見得我們一班兒。都是些溝渠之鬼哩。可憐可憐。

前腔雜介上難恕。言之堪怒。看農工商賈。士子仝殍。三場辛苦日居諸。一齊收拾都安措。會元逃遁。狀元杳無。相公擇婿。文章病儒。何人感得君王悟。

我們都是太學諸生是也。可恨王安石這老奸。爲擇女婿。激走會元。竟是停科。不容殿試。可惱可惱。

列位。各介我們竟到安上門擊鼓去。衆雜介想公

們也是告饑荒的。雜然也然也。告訴饑荒。請停新

法。兼求殿試。還要誅殺奸臣哩。衆有趣有趣。我們

一齊吶起喊來。各譚介下外捧圖上罷了罷了。你

看這些饑民還桎梏。士子且嗚喑。天怒神人怨。羣

聲不可禁。王師相呵王師相。我鄭俠荷蒙推薦。得

晉崇階。若不直言。遺羞特拔了。今日會集流民圖

冊。刺血陳情。冒死抗疏。披肝裂膽。咳。鄭俠鄭俠。你

的生死關頭在此一本也。

點絳唇。血染臣疏。情甘藎腐。非欺侮。繪盡全圖。字字堪烹煮。

內喊介呀。你聽那些士民的吶喊聲也。

混江龍。聖天子九重高御。那知道民間痛苦疾聲呼。說不盡蕭條悲憤。描不盡悽慘哀鳴。俺這本內呵。只好說千村萬落無砧杵。這圖內呵。也難繪極慘窮愁狠囁嚅。動明君總在這血淋淋刀砧不懼。驅惡

黨全仗着森凜凜。口舌嗽噓。俺只是一誠不已。那裏管寸醢無餘。

雜扮太監上。哇。你是什麼人。直進午門。竟到便殿。好大膽。該死的狗頭。

油葫蘆外。俺是箇碎首披鱗星日侶。幸遭逢神聖主。

雜。你來做甚麼。外。俺只爲上天不雨萬民謫。因此

上把瘡痍圖繪情如弩。雜。你要上本麼。上本的自有通政官兒轉達。如何竟自瀆陳。那些守門太監。

一箇箇都該萬死哩。外他們不是其疎悞。只俺這痛情濃不肯徐。又誰管理法嚴干刀鋸。望公公早與俺少釋龍顏怒。好待俺一件件細乘除。

雜你手中是什麼東西。外流民圖。雜可進得御覽

的。外正要進陳的。雜罷。咱與你進上去。你只在此

候旨罷。外借重公公轉奏。小臣還有面達的苦情

哩。雜你教什麼名字。外小臣鄭俠。官為安上門監。

雜就是你麼。候着罷。介下

天下樂外看他喜喜歡歡接短疏。呈也麼圖。俺可也

把眉兒暫且攄。悟君王只此一封書。俺只待活蒼

生又何曾愛首顛。倘得箇殺弘羊政令符。少不得膏

雨淋漓的這遍普。

內聖上臨軒也。外俯伏介雜扮皇帝內官隨上雜

誰盡流民酸楚態。肯教湯網阻堯天。坐介堦下的

就是鄭門監麼。外小臣萬死。雜好箇流民圖。朕覽

之靡竟。究之未詳。特來命卿。面陳始末。赦卿平身。

內官平身。外萬歲萬萬歲。雜卿可直達座前。一一指陳者。

那吒令外介這的是流民悲苦圖。奏值着天時萬戶痛這一答厨荒棲宿鳥。這一答村犬咬遺屍。雜這些

披枷帶鎖的是誰。外這是那青苗荷插夫。雜這幾

箇呢。外這是那交連保馬奴。雜這一干打鬧爭競

者是誰。外這都是市易中較有無。雜這幾箇遮遮

掩掩的。外這都是儼卒們查交詛。雜為着何事。要

去查他。外怕他們議論如川吞吐。

雜這千秀才也。在這裏作何勾當。

鵲踏枝外他只為名利圖。戰三場費揣摩。那知道榜

首逃名。竟公然全科也。那牢錮。聖明朝求賢若渴採

莛藿。豈竟是為私家擇婿也。這開途。

雜城門邊哭泣而別者是誰。

後庭花外這是箇忠臣遠甸甸。好把這別離情慢慢

敷。他只為心緒多搖落。怕只怕家聲一日蕪。這就是

四元記 卷一
安石之弟王安國。他可也去成都。不禁的謫居惶處。端的是雙淚緊沱滹。

雜原來新法之累。一至于此。內侍將這圖本送入

後宮。朕與太后細加參閱者。介內侍鄭俠退班。雜

卿在午門候旨罷。圖畫流民狀。情摠報主誠。介下

外出介弔場

醉中天。這的是主聖臣忠遇。少不得天心定改除。只

看取次第施行把敝法鋤。原說道苛政雄如虎。善

謀終在始初。若箇箇成風執拘。怎討得傾覆持扶。

內官捧詔上。聖旨下。外介內官聖旨已到。跪聽官

讀。詔曰。王安石執拘性成。傾覆祖制。創立新法。困

累軍民。呂惠卿依附逢迎。律同黨附。本應嚴正典

刑。以伏欺君之罪。時當修省。姑免誅夷。立斥原官。

永不叙用。秘閣較書王安國。大義滅親。致遭遠謫。

卽刻諭令來京。補授叅知政事。會元宋再玉。不依

權貴。遠遁他方。尚在髫年。備知大體。但眾舉子俱

出安石門牆恐致遺羞士類。着于明春二月。另入會場。詳加覆試。中式者不次超除。不中者禁苑肄業。鄭俠痛陳時事。深悉隱憂。為國為民。不遺餘力。特晉平章總理軍國。爾其勗諸。欽哉謝恩。
外介萬歲萬歲萬萬歲。
內官介老先生好本章也。

賺煞尾。外這都是死功夫。並沒有回頭覷。他雖是奸欺百樣堅。俺只是一息難容恕。
內官好箇圖畫兒。畫也畫得有趣。
外只那畫兒中。不過是形狀了兩三

分。怎禁得眼兒裏親看見無窮數。老中貴呵老中貴。

那王安石呵也。還是執拘性糊塗。總不如呂惠卿

迎合堪毛豎。
內官你這本章。聖上也還在疑信之間。

怎當得太后痛苦極言。聖上方纔感悟哩。
外咳。太

后呵太后。你是箇補天的媧主。又是箇啓周的姜

女。若不是聖和神母后暗旋移。只俺這鄭監門未必

不就冷刀杵。

集唐 何處得秋霜 應教促淚行

浮沉千古事

草樹發天香

第貳拾捌齣

鬧卜

皆來

雜莊頭上笑破多人口。貧兒只是貧。家鄉千萬里。誰問得天民。自家宋家莊莊頭是也。可笑我家老主宋大公。真正顛之倒之。扯之淡之。混帳無比。兒子中了會元。王相公家。又要招做女婿。富而且貴。不可當也。反弄箇什麼錦囊密計。加以蒼頭這箇蠢才。逢迎討好。竟不知把箇相公。遁在那裏去了。

騙着院君假說相公做了成都司理。來此半年。又

過新歲。記得舊年此際。相公已達京華。不期今日

遷延。竟自離鄉背井。初然間呢。安人還有些疑信

兩參。如今是看破機關。要死要活。好不。不像模樣

得緊。每日門前賣卜。嚼舌哄人。今早叫我擺列問

卜行頭。只得依他鋪設。介咳。甚麼要緊。隨意譚介

正 破陣子。末上。眼底雲山四海。何須着意安排。君平

事業重摩揣。不許妻兒浪付裁。春花一樣開。

莊頭捲起簾兒。雜介大公。今日没人問卜。借重你替莊頭卜卜看。末你要卜什麼。雜卜卜今日安人罵不罵。末又來了。

前腔小生雜介上已到成都半載。終朝悶繞情懷。哥哥未必能修改。天邊信息幾時來。知他福也災。

我王安國自遭遠謫。久別家鄉。烟樹雲山不勝悽慘。幸喜此間有箇卜者得天民。到是一箇世外韻人。域中奇僻。說起功名富貴。他就耳塞不聞。談此

漁採桑麻。竟是殷殷不倦。只是他家老婦。每聞獅吼之聲。舉止僮工。常作笑啼之色。這也不知因甚緣故。及至屢叩姓名。他竟秘而不出。難道是箇當今的嚴子陵不成。今日頗暇。不免再去請教他一番。說話之間。早已到此。老丈請了。末先生請了。小弟往來數次。從未請教一課。今日敢煩老丈卜一家宅之課。伏乞細細推詳。昭明指示。末盤桓講論。未叩姓名。今卜行藏。請詳尊諱。小賤姓王。名安

國末當朝王安石相公不是令兄麼。小正是。末原來是王大人。老朽一向放肆了。介小你是世外之人。爲何也做這些態度。末不敢。小我看足下。每日形容頗自放逸。今聞賤諱。遽爾驚惶。莫非足下是箇避秦之客麼。末當今聖主龍飛。賢臣在位。如何大人講箇避秦二字。小是了是了。聽你言辭。一發是了。下官不敢容隱。只因家兄執拘。屢諫不從。宵小間嫌。致遭遠謫。今恐家門禍作。九族墮凌。所以

特叩行藏。欲求明教。並非別有餘思。先生休錯認了。末大人如此正直。兼且遠謫邊陲。家室雖有隱憂。不至竟災門戶。這課就不必起了。小何以見得。雁過聲末禍福災祥人自胎。逃不出正大光明外。令兄老師相雖然偏執呵。也從無半點私門賒。他這一段工夫。並無別意。小却是爲何。末都只是好名高自恃才。平白地看得舉世如孩。他親裁把衆論排。要從新另闢乾坤界。勞苦也違時自垂。

前腔又一體小難猜福與災。明人暗卜求著蔡。我這
 一身好歹。不甚關成敗。早難道九族儘蒿萊。末不消
 卜得。小雖說天人理。可能問心自揣。為甚的顏回
 偏不邁。盜蹠悠悠。何處分經界。却不道順逆機關人
 怎排。

還是卜一課的好。末實實不必。小這也罷了。請問
 老丈姓名。是何職役。因甚隱居在此。末不才久喚
 得天民。原是村農賤質。並非王謝高門。幸大人勿

多疑忌。

朱奴兒。老旦上洛陽人村農。懌愷。小呀。原來媽媽出

來了。末推介還不進去。老我忍不住了。要說了。末

介有甚麼說。小安人有甚不平。不妨竟講。老有孩

兒春闈奪彩。小兒子中了。這等是箇封翁了。末介這

婆子這等胡講。大人不可聽他。他是久有瘋癲的。

不才並沒兒子。老不知因甚浪疑猜。末還要多說。

老哭介送得我恁般魑魅。拜介望尊官為奴主裁。

他叫做宋之仁。真精怪。

老哭介

前腔小乍聞言實難詳解。爲何的棄家瀟灑。令郎叫

做什麼名字。末沒有兒子。不要理他。老介兒子名

喚宋再玉。小呀宋再玉是舊年未殿試的會元。老

正是正是末會元同姓。不是我的兒子。小是了是

了。你只怕衣冠束縛禍機來。到不若眼空湖海咳。

老先生老先生又何須名藏姓埋。我與你箇中人

休驚怪。

夫人既已說明。先生不必藏隱。請說了罷。末大人

在上。老妻既已盡吐根因。不才焉敢不露始末。只

是小兒聲息。並没人知。今遇神交。不妨罄泄。還求

知而秘密爲妙。小這箇自然。願聞始末。

朱奴插芙蓉。朱奴兒末我孩兒髻年陋才博一第不

勝驚駭。擇家奔走到天涯。也只爲要全支派。小如今

令郎怎麼樣了。末小兒得中會元。令兄大人要招

為婿。他遵不才之教。不就姻親。潛踪遠遁。令兄大人奏聞天子。京城緝捕。原籍拘提。停了殿試之期。必要嚴拏治罪哩。**介**呀我那兒呵。這怎麼處。**小**不知令郎今在何處。**末**小兒尚在京中。不才時常暗卜。身子到是極安極穩的。只怕令兄大人。舊年夏秋之間。有些不利。**小**淚介不知家兄生死如何。合族免于傾覆否。**末**大畧不妨。母勞過慮。**小**我看老夫人這等苦楚。當日何以忻然遠來。**末**笑

介只說兒子做了成都司理。哄他來的。**小**大笑介

先生真是有心人也。**末**大哭介**末**你休無賴待平

安信來。**玉芙蓉合**那些時。清樽綠蟻笑顏開。

雜介上東人卜肆閑清話。聖主金階促舊臣。**介**老

爺在這裏閒話。本縣縣官在寓處坐着哩。**小**却為

何事。**雜**說道老爺晉爵還官。特授叅知政事。不日

就要上京赴任了。見有聖旨前來。立請老爺開讀。

末大人恭喜。**小**什麼恭喜。家兄定應先生之卜矣。

未適纔言語。幸勿外傳。禍在機先。伏祈履庇。小這

箇自然。

尾合恩波得失休愁愷。總只要倒懸分解。但願得呀

咈都俞道德諧。

雜新賜魚書墨未乾。老紫泥封後獨凭欄。

集唐

小壓樹早鴉飛不散。末不如高卧且加餐。

第貳拾玖齣。求試。真文。

南。大勝樂。且小男扮老。雜全上。可憐。一旦繁華盡。禁

不住滿懷愁悶。小一雙美玉南金。偏是髻鬟脂粉。

點絳唇。旦。紅杏飄香。柳含烟翠。拖金縷。水邊朱戶。

門掩黃昏雨。小。燭影搖紅。一枕傷春緒。歸不去。鳳

樓何處。芳草迷歸路。姐姐。你看兩箇爹爹。一時落

籍。門庭冷淡。心事紆迴。好不悽楚人也。且我爹爹

憤恨更深。長吁不息。呂叔叔營營出入。未必無為。

則恐他們二人。又各自分門戶。將來一發不便了。

依我之見。待得兩位尊人同在一處之時。我和你

懇求應試。勉力場闈。倘得僥倖一官。也好少安親志。
 小雖然如此。我與你到底。是箇女兒。設使做出事來。豈不遺羞千古。
 旦咳妹子。你不見木蘭代父從軍。緹縈捨身救父。豈非都是高髻所為。即使人知。亦隨笑罵罷了。
 小姐言之有理。乳娘知道老爺在那里。
 老老爺在書房中。
 全呂老爺納悶哩。
 旦小這等我們去罷。
 介正是終軍成我志。西子效他

顰介下

前腔淨副全上十年辛力成灰燼。嘆時君不能堯舜。兩人咄咄嗷嗷。一刻難舒情悃。

淨吉甫呵吉甫。我和你。不意竟爾如是也。
 副老師

相且耐煩些。另當商酌便了。
 二旦介上休稱處類

囊中脫。還怕羞刀鞘裏回。爹爹拜揖。
 淨副坐了罷

二日爹爹年事甚高。宦情味冷。得失乃時事之常。

憂鬱為耗神之斧。幸乞寬心。少安兒愿。
 淨我的兒。

我不愁富貴。但惜聲名。你看這許多新法。一一都

廢壞盡了。二旦新法之中。未必椿椿盡善。望爹爹
 勿再固執。副新法非常人所知。你們閨閣女流。一
 發不得與議矣。二旦爹爹在上。兒輩一言告稟。跪
 介淨介有話起來說。副對旦介小姐請起。對小介
 我兒起來。慢慢的說。

宜春令旦人言橫道不鄰。女孩兒中心似焚。嚴親愁
 悶。教人怎得安閨壺。木蘭女代父從軍。兩蛾眉亦思
 搵办。合一片心胸。都只為滿腔痛憤難伸。

淨你的意思。要去應試。這箇斷使不得。

前腔小非情錯。實見真。怪他們欺人侮人。區區鄭俠。
 門墻桃李誰栽穩。雖不能結草啣環。竟公然忘恩背

本合前

二旦我們定要進場去入試。望乞爹爹見允。副

賀新郎聽此言辭。暗令人沸腸如滾。又何妨栽桃接
 槿。老師相你且詳分寸。即使旁人知道呵。不枉深閨
 事典墳。若他二人果然僥倖。我們餘燼還可復燃。這

些法度阿。再中興酌斟增損。淨汝慢評。予暗忖。倘使君王見責朝堂。那時難措也。如何泯。

前腔老二位老爺在上。望鑒蕩蕩。管此事十分安穩。

淨依你待怎麼。老若是二位小姐入場去。一中中

了。怕的就是招贅女婿。淨副正是。這却作何拒絕。

老不妨不妨。把齒錄中預先藏隱。淨副怎麼藏隱

呢。老明明開着原配荆釵。已晉秦。指日裏于歸合卺。

淨副開寫那箇親家老。一發有箇論頭。當日大小

姐曾要招贅會元。人人知道。倘或別人求親。難道

說箇沒有不成。如今阿。假方雲充呂。淨副只說

王小姐已許呂家。這箇有理。但王府沒有親家。老

且將他呂氏胡牽引。同調也。雙瑜瑾。

副這箇妙。這箇妙。只說王小姐已許我家。我家有

女已配王家。兩家換門成親。兒子不怕人家招女

婿。有女兒的。又得隱然無跡。沒女兒的。何妨別處

生發。妙妙。

尾合不須仔細重思省。包管得一天安穩。直做到鐘鼎功名。方顯得典墳脂粉。

集唐

淨誰爲梅花怨未平。副百憂如草雨中生。

言眾中不敢分。明說合草綠湖南萬里情。

第叁拾齣

出寺

先天

正宮

普天帶芙蓉。普天樂。小生上。我的興兒闌。情難掬。

方遂了。平生愿到仙壇。接取飛仙。赴春闈。早着先鞭。

咳。會元會元。虧了你了。你在胭脂隊裏把玄霜煉。

香雲座上把青精嚙。一年來謹謹拳拳。今日呵。收頭。

換面冲天。只這一班道姑。知你是箇男人。好不悔哩。

玉芙蓉好傷情。同食同寢。竟經年。

來此已是皇姑寺了。不免竟自進去。作拜神介。觀。

主師父有麼。丑介上。靜中觀自在。鬧裏繞相思。那。

箇介呀。你是玉真子的父親。小正是欲求女兒一。

見。丑玉真子快來。你的父親在此。生介上。一聞天。

外飛來信。顛慄翻交不敢前。呀。果然父親到此。小。

跪介如今還認什麼父子。小主作速改救出寺。早
早起試去。**丑**這是什麼緣故。**小**他是舊年新中的
會元宋再玉。只因不肯依附奸臣。辭了王安石的
親事。所以改粧避難。在此出家。如今安石已敗。新
法俱停。卽日另行會試。老漢原是會元家人。前次
假稱父子。今旣講明。小主人就此與姑姑拜別罷。
丑豈有此理。旣已共處經年。安忍卽時遠別。自然
再住幾時。也要神前回向。就是赴試入場。何妨在

寺安歇。**小**當日假做女身。自然整年可住。如今已
知男子。焉敢一刻少留。不要說會元名行攸關。卽
使衆位姑姑。亦當少修嫌介。**丑**哭介言雖極是。覺
得一時有些。不捨衆雜上朝廷罷新政。本寺出新
文。怎麼玉真子是箇男人。我們不信。這箇人定是
一箇拐子。要拐寺中道衆。不要管他是男是女。我
們只是不放。**小**你看他的舊時衣服。原在這裏。衆
姑姑若再不信。請來親驗一驗。**作**扯裙譚介衆譚

介不放不放。驗過了一發不放。小這等我就叫明
地方說你寺中私藏男子哩。各埋怨譚介生換衣

介

前腔生坐玄關。緣甚淺。念鯁生非無眷。既彰明頃刻

難延。只得要拜別群仙。丑衆介你這一年全不露此

風色。你好狠也。生我這孩童此小無分辯。不通情

事何瞋眩。拜神介望真仙鑒我誠誼。就是這箇出家

的名色呵。止緣借徑求全。丑衆生小全拜介合淚

如泉。一齊拜倒口難言。

尾令片言說破情難掩。意兒中萬千舒卷。生衆姑

保重再玉去了。生小介下丑衆譚介你看輕輕的

竟放他去了。各介呸。我們隊裏不要還有這們一

箇哩。各譚介好教我打枕榷床怎地眠。

集唐丑

白日幽閑君暫居

小山人去桂叢疎

睡驚燕語頻移枕

雙鯉迢迢一紙書

第叁拾壹齣

誰露

蕭豪

正朱奴兒雜介上合恨難平心頭火燒空聒噪一番

縈繞元魁依舊是兒曹到添了兩番煩惱雜老見你

道奇不奇我們只因停了試期遂往朝門擊鼓那

知這番覆試會元依舊是他真正可恨得緊雜不

惟宋再玉又中會元其情可惱反增了王呂二家

每家中了一箇會魁可不教人氣死雜介我們不

免再擊鼓去雜這番擊鼓告什麼呢雜只說覆試

不公還求再覆雜你又來了即使再覆十遭你我

必然没用今奉新恩禁苑肄業我們已弄僥倖的

了何用再去纏擾雜老哥說話也有道理我們不

免回去打點禁苑肄業去罷合回家去把衣冠改

超入禁苑添榮耀介下

錦庭樂錦纏道淨副上上雲霄女孩兒也能奪標愁

他體態嬌當不過許多繁擾淨我與你放了兩箇女

兒入試誰知都中會魁這也可喜副只恨宋再玉

這狂生又占會元其情可惱淨正是正是若非乳

娘計策。先在齒錄之中。預載這頭親事。今朝就難
委決哩。滿庭芳合又虧着女陳平。施巧計。假賦桃

天今日裏。免人提弔。穩聽取傳臚來報。普天樂雜介

上狀元俏嬌。還只怕一般高髻同寮。

報上太師爺呂老爺得知。傳臚過了。淨副狀元是

誰。雜宋再玉。淨副介咳。又是他。我們相公。雜王家

榜眼。呂家探花。淨副好好。也不枉了我家門第。只

可恨的是宋再玉。

前腔小生上始歸朝。正傳臚英英俊髦。再玉中偏

得天民深心不小。進介哥哥哥哥拜揖。淨你回來了。副大

人恭喜。小介小人不殺也。筭恭喜。雜介小的叩頭。

小你們為甚。這等歡喜。雜家裏相公併呂爺相公

一齊中了。怎不歡喜。小我家何曾有箇相公。這又

奇了。淨承繼的。小中在幾幾雜榜眼王粲。小呂家

呢。雜探花呂佺。小這其間又多分別有蹊蹺。既教

他承祧主廟。遍親支也須明告。淨你在成都誰來告

西元記 卷一
你小成都固遙。合群宗果然衆口同褒。

芙蓉紅玉芙蓉外。雜隨上文光萬丈高。秀色千尋耀。

動天顏忻喜。許續梅標。報進去。雜介有人麼。又雜介

是那箇。雜平章鄭爺到。雜介平章鄭爺到。副他來

做甚。淨不必見罷。小豈有此理。自然該見。淨這等

忘本之人。見他何用。小哥哥舉此正人。方不聲名

盡墮。他今來此。未必無因。去見的是。淨副這等說。

倘有議論相角。還望在旁幫襯。小這箇自然。道有

請雜介外拜介公門桃李非無報。夫子女童我不

消。朱奴兒合功非小。當時補牢。還不到。云羊誦。

淨先生此來。有何見論。外師相曾經奏過聖上。要

將宋會元招做女婿。今喜宋會元又中會元。殿居

榜首。聖上之意。仍令續此姻親。早偕伉儷。還要給

還師相的封誥。准以原官致仕哩。淨小女已許呂

家。問名納采過了。這箇有些不便。外聖上爲媒。况

是元配。男女俱未過門。何妨訂歸舊約。副還求大

人懇奏聖上。使狀元另選名門。再完婚事罷。小你這福建子。又來胡講了。聖上主持。原追舊好。誰敢抗拒。以披逆鱗。不必說。我做叔父的也好做得半分主。大人竟去回奏。擇日成婚罷。外介還是大人說得有理。下官就此告別。介淨不好了。不好了。呂吉甫呵。呂吉甫。到底是誰害殺我也。外介却是爲何。淨跪介各介淨事到如今。不得不說了。那中榜眼的。不是什麼繼子。就是舊年要許會元的女兒。

外這又奇了。淨還有奇哩。外小又有何奇。淨中探

花的亦是小婢伴雲。向與小女拜爲姐妹。這一件

事。都是呂吉甫唆哄而成。叫他兩人入場應試。如

今弄出事來。一發難以解交矣。小這怎麼處。外罷

罷。學生前已上干師相。今日借此餘波。可以消靡

舊隙。淨先生有何妙解。外明早入朝。師相父女束

縛陳情。自行檢舉。學生從中力爲保護。副跪介惠

卿之事。一發要求全美。外這箇不敢奉命。各介

前腔旦小旦雜全上佳人志氣高再玉真年少怪當

初遠遁薄倖兒曹進介各介天涯逐客今朝到山斗

文章震家察淨我的兒鄭大人業已知你二人是箇

女身了旦小介這仔麼好羞殺人也避介副王榜

眼之欺瞞已蒙鄭大人一力擔代只有我你之事

不肯包容如何是好副小哭介旦鄭大人在上我

姐妹二人以女作男良有深罪既蒙恩眷我父并

及奴家若不共出小妹之愆情愿一同生死哭跪

介外介也罷你們一同檢舉我在于中調濟靜候

聖裁處置便了合齊疏草把真情莫滯只望得聖

明君洪鈞造

尾合這場異事堪嚙笑兩蛾眉大魁廊廟只靠着天

子恩波一筆饒

淨副潮水還歸海

小寒風自動門

集唐

旦明朝誰結伴

外不負信陵恩

第叁拾貳齣

檢舉

歌戈

仙天下樂雜扮黃門官上端拱衣裳九叙歌。皞皞熙

熙帝力何。二雜力士上弘羊已去臯夔佐。人事天心

一轉和。

雜下官本朝黃門是也。二雜自家殿前力士是也。

合今當早朝時分。只得在此候候。

前腔生披髮冠帶上雙親萬里意云何。景入桑榆兩

鬢皤。急陳情事求高卧。未識天王肯信麼。

下官此小頑童。兩魁會榜。從來俗語只有連中三

元之說。那有竟中四元之理。老父囑諭甚嚴。今日

特疏終養。未卜聖上恩鑒如何。教我好生惶悚不

暇。來此已是午門。不免在此俯伏。雜丹墀下俯伏

者何官。有何文表。就此披宣。生臣新科狀元宋再

玉。短疏冒奏。雜奏來。

解三醒生念微臣洛陽愚懦。叨中了會狀巍科。未嫻

政體羞寮佐。欲歸家仔細揩摩。雙親白髮盈盈箇片

影黃雲。叠叠波。微臣父母。恐臣少年早發。空世恃才。

禍及家門。致遭凌替。所以棄家遠奔。不達姓名。今在成都。久失定省。微臣一念及此。呵。情如火。鎮通霄不寐。永日難過。

內取本來。雜遞本下復上介

前腔換頭生。還有微臣情未播。苦只苦會榜開時。奈也何。為他們強把人摧挫。招女婿似張羅。也只為家君嚴訓難遺墮。免不得曠廢君恩。把大典那。今日待罪螭頭。情甘銖鉞。伏候聖明恩鑒。真難躲。畢竟是

君恩親命。一樣嵯峨。

雜太監上介黃門大人請了。狀元恭喜賀喜。生學

生何喜可賀。監皇上與太后。正在大內講論新法

的。不是適值你的本來。十分佳賞。一面令人去崇

政殿中。召了王鄭二位先生。一面着咱前來。宣你

進去。面陳顛末哩。隨我來。隨我來。生監全下淨副

旦小旦自縛全上。作過樁樁俱不是。如今件件要

週全。俯伏介雜綁縛者是何人犯。就此丹陛陳情。

不得震驚鑿駕。淨罪臣王安石。率領臣女方雲。即
新科榜眼王雱。檢舉欺朦。束身待死。雜奏來。

前腔淨痛愚臣心粗膽大。未曾經世務鑽磨。創行新

法招災禍。又將這釵鈿欺訛。副犯臣呂惠卿同女伴

雲。即新科探花呂件。冒死瀆陳。願其鼎鑊。自不合

逢迎權貴同聲和。又不合以女為男過孽多。合天恩

荷。早聽取誅夷醢醢。玉律金科。

雜太監上黃門大人。你與王呂二人。就在這裏候

旨。女榜眼女探花也要宣入大內去哩。且小旦介

監全下

前腔雜王呂二位大人。淨副不敢。雜你看這風動花

枝。叅帝座。少不得法網宏開露雨多。因雖是一時悞

犯風流過。也從教千萬載。趣難磨。太監上王呂二位

老先。淨副介不敢。監你好喜也。淨副我等罪在不

原。有何喜處。監太后與聖上呵喜的是。卿能教女

嫻衣鉢。免不得愛屋推烏。破網羅。奉聖旨。先鬆二人

之。綁。仍。給。原。官。品。服。聽。候。鑒。裁。淨副萬歲萬歲萬歲萬歲
力士釋縛代淨副冠帶介力士下介合天恩
 荷幸免了誅夷醢醢。玉律金科。

內聖旨下外上一封丹鳳詔飛下九重來聖旨已

到。跪聽官讀。詔曰。王安石。呂惠卿。創行新法。擾亂
 舊章。罪在不原。恩踰法外。今又以女作男。遺羞辱
 國。深可痛恨。緣以太后仁慈。憐才重學。憫茲梅實
 之期。感切桃天之化。王雱。呂佺。仍賜女妝。于歸再

玉。惠卿安石。給還原誥。安置丘園。各當省儉。前非

克終後望。欽哉謝恩。淨副萬歲萬歲萬歲萬歲介鄭

大人調濟功高。生成刻骨。何以稱報。外此皆聖主

包容。太后德澤。鄭俠何功之有。老師相呂先生。你

令愛好恩遇也。淨副何以見得外太后娘娘親自

替他改妝勻面。易服加冠哩。請二位且先歸第。明

早全了令愛。令坦入朝謝恩便了。淨副謹領台教

恩波誠望外。忻喜溢胸中。淨副下監外弔場監鄭

老先。這番聖恩。真正不可想望者。外老中貴。你還不知那狀元的父親宋之仁。他自兒子中了解元。恐怕惹起仕路風波。竟自隱跡成都。藏名賣卜。如今參政王大人。奏聞天子。狀元又力請養親。真正可謂父廉子孝。萬古維風之盛事矣。監果然可羨。果然可羨。你看一派燈光。震天樂响。敢是狀元夫婦出殿來也。咱們迴避者。外監下。小生生二旦雜

隨上

掛角兒。序在戴君恩。天高地多。皇太后異殊猶大。解釋了罪案。差我尚兀自萬分調和。戴冠兒穿錦帔。理雲鬟。陞翠輦。椿椿提擢。簪花插朶。含醯哺醢。這其間大妻父子。不勝驚賀。尾從前罪孽消除過。此後行藏待怎麼。總只要子孝臣忠四海慕。

集唐

金殿當頭紫閣重

露華偏濕蕊珠宮

記得去年春雨後

一聲聲似怨東風

第叁拾叁齣 家麻

調 雙 孝南枝。老旦上。皇恩近。親命遐。雙雙合。空答牙。

春滿上林花。燈輝動月華。嬌柔可誇。温香似葩。鵲橋

催駕。無奈咫尺君恩。阻了數程親假。心內評。眼內花。

大對着這燭影紅。免不得人情化。

老身方乳。自幼乳哺小奴。今得奉旨成婚。老身理

應交割排場。少安提弄矣。誰知這宋狀元的嬌情。

忒煞支離。那曉得田舍翁的規模。反多固執。他說

既承君命。無非花燭先期。未叩親顏。到底鸞交有

待。如今且在前廳拜堂宴飲。少刻一歸繡閣。就要

各守邊隅哩。已曾分付老身。鋪設三箇案臺。整理

三間寢室。那狀元呢。不必說是文房四寶。琴劍棋

枰。這榜眼探花二人。還要添上些線帖針箱。彩絨

綉錦哩。嘆介咳。人人只說王安石為人執拘。不知

這宋狀元的家風。還拘得緊哩。介你看燈燭熒熒。

笙歌繞繞。三箇好今年一齊來也。雜張燈內吹打

送生日小旦上介

海棠春生姻緣前定誠難假。反添了萬千敲打。二旦說起好含羞。見面如聾啞。

生乳娘分付的三處臥房。三重院閣俱已停當了。

麼老俱停當了。生介二位年兄。小弟再見禮了。二

旦介生小弟不是不達人情。不知好歹。只我這箇

村野頑童。遇着你們一對瓊宮仙子。不要說枕蓆

同歡。交唇接股。只這燭影窺妝。紅樓飽艷。也就當

不起了。難道還是前日心胸。遂使二卿寂寞實緣

近天尺五。異命難辭。可憐故里迢遙。雙親信杳。所

以暫了一時之花燭。少爲匝月之遷延。一覩椿萱。

卽成鸞鳳。

仙呂
入雙

武武令。看你美鮮鮮春風麗華。不是我假惺惺

許多支架。這娶而不告。聖人言難註。揖介望得你鑒

衷情。少做衙休疑訝。畧動些笑耍。

二旦扇遮面介

前腔。且奉君恩強來泛槎。又何須恁般欺詐。三番兩次。任傍人嗤罵。小大題目做將來不恁差。持聲價緊扣着袿袴。

生請小姐把這扇兒放下了。我們原是一榜的同年。又是門牆的世誼。感天子隆恩。已完大節。因二親不在。暫別小嫌。雖然異被異床。不過守經守禮。若或不言不笑。儼然如醉如痴矣。老狀元言之有理。收了扇罷。生請收了罷。作奪扇介且小且不與

介

沉醉東風。生我們呵。小孩兒年還未及。性靈中也不過淡描輕畫。佳期在計非遐。些兒休暇。好盤桓剪燈叢話。你們還把扇兒遮着。那日皇姑寺中。你道我還看得不飽麼。二旦好一個謹遵父訓的道學樣子。合春雲鬪華。春山映霞。春風拂拂。把春瀾兒自拿。

老二位小姐並不怪你別的。怪你初次議親。何不

明言竟爾逃走。生以小姐小姐沒有那時。焉有今日。此話甚長。慢慢說罷。

前腔二日我爹爹固雖見差。又何妨儻言規化。公然

去沒稽查。把天顏驚叱。好姻緣這般纏掛。生娘子見

教得是。慢慢請罪便了。如今好把扇子收哩。二日

介生你今日便是這等遮遮掩掩。那日遊街。不知

幾百萬的眼珠子。落在兩位娘子身上。如今下官

兀自氣不憤哩。各笑老代收扇。介合前

玉胞肚老一宵清話。好夫妻何曾對差。看年來顰笑

繁多。到今日盡掃波查。合還餘幾箇眼中花。指日團

圓路不遐。

前腔生至誠非假。豈忘情喬粧做衙。喜孜孜唱和偎

依艷津津。玉暖情奢。前合

尾狀元承度偏瀟灑。榜眼風流夥探花。那裏有鼎甲

三人共一家。

集唐生總是玉關情

且懷君恨不平

小綵雲蕭史駐

合門下有康成

第叁拾肆齣

勅錦

庚青

仙呂入雙

月上海棠雜衆隨上

他把利名輕。方圓動靜俱

安命。拚家園鄉井。萬里長征。卜君平寄傲天涯。樂漁

樵志安衾影。我的衣冠整。館驛皇華。送迎惟謹。

下官成都縣尹是也。謹奉明文。欽遵聖旨。着我準

備舟車。迎請隱士。得天民歸里。左右打導。衆老爺。

這得天民是什麼樣人。如何恁般尊敬。雜你們那

裏曉得。他是當今高隱。兒子中了狀元。王呂二相

公的親家。參政王較書的好友。那參政奏聞天子。

欽賜馳驛還鄉。誰人敢不尊敬。衆介果然是箇大

來頭。介得天民是天民得。既得乎天。又得民。衆稟

老爺。這是皇華驛了。雜驛官那里。又雜介驛丞叩

見大爺。雜車馬船隻都齊備了麼。又雜介一一停

當。不勞大爺費心。雜介得天民到。雜衆介未老且

雜隨上

秋葉香。末如履薄冰斯兢。又何勞水陸交騰。老旦真真假假誰堪証。更防他別生枝梗。

雜介稟太爺本縣大爺在此候送。末既如此。莊頭

伏侍太太先上了船。待我致謝中尊。即便開行。老

雜上船介下末雜各行禮介末不才市井細民流

遺編戶。荷蒙大人錯愛。有光行色。何以克當。雜老

先生曠世巢由。令公郎一時周召。行將霖雨蒼生。

儀風萬國。豈止五柳五芝。一琴一鶴而已。卑縣既

奉明文。欽將王命。理應俟候出境。方敢回覆上臺。

請老先生登舟。還有下程小飯。末不才飽食終日。

無所發明。更係衰朽餘生。屠沽市井。既蒙聖恩之

過寵。復承公相之榮施。即此已多股慄難堪。焉敢

再煩玉趾。伏乞大人早回。以便不才長往。雜斷要

恭送一程。幸勿過却。末若大人再加殊愛。不才就

要跪辭了。跪介雜跪介不敢不敢。老先生過謙若

此。叫卑縣如何稟復司府諸臺。末有煩妮復便了。

雜如此說。放肆了。末不敢。雜驛丞小心伺候。驛介

雜恭敬不如從命好。末禮束須知放蕩寬。雜介下

末驛宰也請回罷。分付放下船來。就此驛前開去。

驛分付船上介末作上船介驛介驛丞送末請回

驛去驛介下老日老怪物我問你如今還是真正

回去還是又要往雲南貴州去。你須說箇明白。末

這箇痴婆子。你看煌煌聖旨赫赫縣令。可是假得

來的。作吹打鼓鑼開船介

風入松末你看這畫船簫鼓鬧盈盈。豈是移風借影。

記西湖來往煙霞艇。又何人送迎存首。老這等說來

果是真的了。我好快活也。末痴婆子歡忻慢生。只

怕花發早雨風憎。

老你這老怪物又被屁了。

前腔孩兒有志自飛騰。正椿萱歡慶。你無端擾攘堪

嫌諍。一載裏淚痕晴逆。末若不依我主意。這一年之

內美得家破人亡哩。老老怪物他若肯先招贅把

龍門早登。又何待今日裏姓名馨。

末你說招了女婿就好了。只怕鄭俠本止。也有令郎一名哩。

急三鎗那新法狠。神人怒。誠難也。只這天不雨。豈無

憑。老已前的事。由你支吾罷了。如今王安石卑經致

任新法也。都停了。為何又叫兒子養親。末媽媽他

是英年輩。驕盈態。粗豪氣。若不多磨折。怎肯自就

况。

風入松。老雖然仕路不堪評。又何須分外憂驚。只這

等心平氣逸。持方正。任他們駭鹿屯蠅。琴與鶴冰

清玉瑩。還說恁苦怛怛。

末媽媽。為人在世。既要做官。就要做事了。若不做事。做官何為。所以只是不做的好。

急三鎗。叨君祿。行吾志。當循勉。又豈可甘伴食。苟全

生。老依你說來。做官的定要出頭去說話。出色去作

為不成。末媽媽。若不如此一番。真正素冷尸位。或

再貪殘酷虐誠為狗彘不如矣。庸庸輩無知識。糜倉廩。若再貪且酷。竟是馬牛程。

雜介上跪介 交界防軍率領標兵沿途護送。雜起去岸上護衛而行。各介

風入松 木半肩行李還懸罄。羞殺了護衛頻仍。你看

這川流徹底明如鏡。照得我心兒愈冷。到洛陽肯教久停。還是西湖上好逃名。

集唐 風雨何年別 春山斷若雲

幽情遺級冕 新握阻蘭薰

第叁拾伍齣 泣別 尤候

仙 光光乍丑 雜上一載共綢繆。情投與意投。誰知不是吾儕偶。輕輕放去涎流口。

我們都是皇姑寺中女道姑是也。宋狀元回家養親。女榜眼女探花一全歸省。還有王安石呂惠卿二人放逐還鄉。原官安置。今日約定都在寺中起

馬徒弟。眾介丑 整頓香花收拾茶水。各介

似娘兒淨上一女不能留。相別去此淚難收。副上軍民萬口同聲咒。椿椿件件。絲絲寸寸。呢呢咻咻。

淨放逐須知聖主恩。副歸家還好侮鄉村。淨休言

病國開新法。副總是官為病國根。淨吉甫呵。我的

真女兒。認做假兒子。你的假女兒。到招了真女婿。

新法呢。反稱舊法。舊法呢。依舊重新。顛之倒之。真

正合。我自己也難信為實然哩。副正是正是。今日

雖蒙聖天子洪恩。錫還舊物。可憐在這皇姑寺起

馬。更覺淒涼。丑介道姑迎接二位老爺。淨你看你

看不聞。冠蓋馳車馬。副惟有嬌嬌女道姑。內吹打

生日。小旦執事上介。

長拍合鼓樂齊鳴。鼓樂齊鳴。旗旛花繡。奉旨暫還巒

嶠。皇姑寺裏一番拜別。各分離水陸遨遊。紅日正當

頭。出郊關數武。自生顰皺。碧瓦飛甍。雲外透。幢蓋遠

响鈴流。問王呂冠裳知否。好留心此去鈞腕樵頭。

丑衆介道姑迎接老爺。生扶介下官不虧姑姑。焉

有今日。怎行此禮。淨副介賢婿到了。生二位岳父大人拜揖。二旦爹爹在此。兒輩怎生割捨。淨副汝既于歸宋氏。應仝丈夫回去。進去拜別神明。大家水陸各行便了。進殿拜神隨意譚介

短拍合淚雨如傾。淚雨如傾。有言難訴。各人心事難留。生旦小旦拜淨副介父女兩睜睜。眼見得去也空回首。生拜丑眾介一載辰昏形影。到今日水落石舒頭。

羅歌外小生上。此際此際休眉皺。好去好去北山

頭。丑介鄭老爺王老爺到。外小拜神介。仙佛如何不

普周。人性也難匡救。外師相大人。從今須要看破關

頭。早早尋箇退步者。王侯將相。何時可休。功名事

業。何時可丟。小哥哥早聽弟言。不至今日。從前拘得

乾坤闔合莫逗遛。君識否。改過須知至德儔。

尾外我來未晚君須候。小再不留連慢首丘。合都要

做火食神仙浩漫遊。

集唐

生 雜 丑

離亭不可望

淨 副

宸眷囑樵漁

雨雪關山暗

外 小生

蒼生喘未蘇

第叁拾陸齣

彩圓

蕭豪

雜不是一番寒徹骨。怎得梅花撲鼻香。自家莊頭是也。我老莊跟了宋大公宋大婆。出外一年。看遍了無數奇山異水。歸來兩月。當不得許多問底盤根。前者小主回家。今日特來掃墓。別人作怪也。還怪得平常。偏我老主怪到極天極地之處。原來小

主人雖奉聖旨。娶了兩位夫人。因未稟過爹娘。尚在不曾合卺。我老主人就叫兒子。今日一邊祭奠。一面就在墳上拜堂。那小主人呢。終日不戴紗帽。不帶巾兒。頭上帶了一頂包角。身穿五彩斑衣。傅粉塗脂。簪花繫錦。兩箇小夫人。荆釵裙布。箕帚相隨。口中胡謔亂想。唱了一套什麼戲彩斑衣的曲兒。早晚顛狂。如此做作。將這些舊存田地。竟都分給親朋。往日經營。一旦付之流水。說道住過半年。

還要仍到西湖遊翫。就在那裏編籍為家哩。這都
 不要管他。聽他作用便了。呎來的是老蒼。介是他
 是他。你看墳前一對旗竿。竿上紅旗兩面。旗上寫
 着四元及第。四箇大金字。果然有與之極。咳。若非
 這大公善於保全。焉有今日。真快活。真快活。小生
 王無事盡從多事出。清閑豈是等閑來。呀。老莊作
 揖。雜老蒼辛苦。各譚介。小把這些祭禮擺起來。雜
 這是什麼。小這是老主的衣冠。不肯穿戴。只叫擺

設擺設罷了。雜總是作怪。這箇呢。小這是焚黃的

幣帛。雜這就是花燭喜筵。這就是斑衣箕帚哩。小

正是正是。你看掌禮人同禮生來也。二雜介上官

家禮數官家用。祭祀人歸祭祀墳。各譚介。二雜二

位大叔。二位大叔。小雜不敢不敢。向禮生介相公

請坐。向掌禮人介你也坐坐。二雜我們自坐。你須

治事。各介轎馬已到了。介木巾服老旦補服生冠

帶旦小旦冠帔隨上

駐雲飛合碧水青嶠。紫綠紛紛四望遙。萬塚心頭吊。一念腔中笑。嗟。何必恁徒勞。達觀須早。一日清閑。一日開懷抱。富貴功名夢裏牢。

各見介雜忙。譚介禮生介晚生見禮。末生不敢。多

有勞了。掌禮介掌禮人叩頭。末生請起。末祭禮俱

罷齊了。麼雜小介罷齊了。末這等先祭祖先禮生

照常讚禮內吹打介末老生且小拜介

好事近。泣顏回。合風木影遙遙。春秋拜掃東郊。叨榮

澤蔭。一家溫飽難消。刷子序。今日呵。簪蒿率領妻孥

子媳。事蒸嘗。瀝酒焚椒。普天樂。還喜得書香接武。討

個君恩耀彩。錦錫官袍。

禮生念介伏維大宋熙寧。歲逢甲子。時方秋仲。月

吉哉生。用伸追遠之忱。宜肅蒸嘗之祀。嗣孫宋之

仁。率男再玉。挈領妻孥。拊誠頓顙。楮錢片片。雖承

世俗之遺風。牲醴盈盈。實切夢魂之恪致。書香不

墮。餘芬直逼龍門。德澤長流。積慶遠符鳳卜。恩榮

泉壤。焚黃土木生輝。化洽家庭。斑彩寢興不廢。孫
 再玉。守經守禮。暫遵尺五之天言。媿王呂。必敬必
 欽。不越分毫之聖訓。墓前花燭。固日少拂人情。五
 內哀瑩。膾炙交敷。眾口。紈希列祖。鑒此餘誠。仰冀
 先靈永垂默佑。但願蕤枝繁衍。綿綿瓜瓞斯多。詩
 禮雍和。穆穆義聲不替。眷茲一脉之長源。錫爾三
 多之永慶。神其格馨。嗚呼上饗。作化紙內吹打各

又拜介

前腔。合擊磬與乎鼓。不須紫綬金貂。何分上下。只消
 此志堅牢。看取垂髫。驟進天門蹀躞。怎比我白髮林
 臯。再休待秋風葉落。早抽身拂袖。莫問來朝。

掌禮介。稟上太爺。小老爺就此拜了堂罷。末也罷。

就此一拜祖先。以完合巹之禮。掌禮譚介。當今皇
 帝好新文。宋氏新文更罕聞。合巹讚文墳上讀。總
 期全枕。又全墳。作拜譚介。末生死二禮俱完。就往
 享堂享昨去。禮生介。晚生告別。末生有慢不當。明

日叩謝。掌禮介小的也叩箇頭去了。末勞了你了。

明日着人送謝禮來罷。掌禮介不敢。禮生從來方

禮須圓用。掌禮介今日新文後古文。二禮介下小

生稟太爺太夫人上轎往享堂去。末由清水秀草

勁楓黃。何不冒步散心。要這轎馬何用。各行介

泣顏回。金五斗不垂腰。黃花徑裏逍遙。義皇人物數

杯且自傾倒。世情都掃。菜根香。淑水偏溫飽。再不須

汲汲孜孜也。還宜泛泛了了。

末已到享堂。兒媳把盞。遜坐各照常介

前腔。合良宵極樂興難描。看樽壘盈盈雙親不老。墓

前拜掃。享祭餘一家旋繞。烏紗帽小。髮青青覆着肩

兒姣。兩嬋娟一樣梅妝。四元郎三星會早。

末飲興已闌。徹席回去罷。二旦公婆在上。媳婦再

上春卮。伏乞少留暢飲。進酒介末老吃不得了。生

孩兒已知爹媽之意了。葦頭在此承值。莊頭隨我

來。雜應全生下介。二旦兒子去換班衣。筵前進酒

哩。媳婦輩也不敢服此錦衣。有拂公婆之性。丫鬟。
 雜介二旦與我卸了冠帔。將布衣箕箒過來待我。
 灑潔庭除。好讓郎君起舞。吹打換衣介旦持箕箒
 掃地小旦持水桶灑水介

千秋歲合去冠袍不許誇榮耀。一步步把街砌除掃。
 荆布裙釵荆布裙釵。早安排活計。砧砧厨灶。鷄鳴候。
 鴉聲噪。簪沐了。承歡笑。笑道辭官好。看菊開秋冷。柳
 索春饒。

生介上不是痴兒女。如何抹粉脂。欲譜前人志。娛
 親正及時。爹媽你看孩兒今日扮得如何。末老扮
 得比別日更好。生孩兒昨晚燈下。又作了斑舞曲
 一章。名曰小萊子辭。欲為爹媽歌之。不識可否。末
 既有歌辭。自當歌來侑酒。何又請也。生舞念介問
 君斑舞那椿奇。奇在斑衣是老兒。今我垂髻正年
 少。為何先自歛鬚眉。第一奇。十三童稚強支離。出
 門學步猶傾跌。四榜元魁總不移。第二奇。錦囊妙

哩。媳婦輩也不敢服此錦衣。有拂公婆之性。丫鬟。
 雜介二旦與我卸了冠帔。將布衣箕箒過來待我。
 灑潔庭除。好讓郎君起舞。吹打換衣介旦持箕箒
 掃地小旦持水桶灑水介

千秋歲合去冠袍不許誇榮耀。一步步把街砌除掃。
 荆布裙釵荆布裙釵。早安排活計。砧厨灶。鷄鳴候。
 鴉聲噪。簪沐了。承歡笑。笑道辭官好。看菊開秋冷。柳
 索春饒。

生介上不是痴兒女。如何抹粉脂。欲譜前人志。娛
 親正及時。爹媽你看孩兒今日扮得如何。末老扮
 得比別日更好。生孩兒昨晚燈下。又作了斑舞曲
 一章。名曰小萊子辭。欲為爹媽歌之。不識可否。末
 既有歌辭。自當歌來侑酒。何又請也。生舞念介問
 君斑舞那棒奇。奇在斑衣是老兒。今我垂髻正年
 少。為何先自歛鬚眉。第一奇。十三童稚強支離。出
 門學步猶傾跌。四榜元魁總不移。第二奇。錦囊妙

計少人知。皇姑寺裏能雌伏。終久雄飛振羽儀。第
 三奇。男女喬粧暗朶。願誰知彼此心頭病。今日方
 完舊日疑。末我兒。文章不可太奇了。則此三奇也
 就勾了。生還有奇。還有奇。西湖嘯隱肯遲遲。若非
 賣卜沉名姓。此段歡娛又怎期。老那時依了親家。
 招了女婿。想那拘拿緝訪之事。也就沒了。庄正是
 奇。正是奇。不從招贅謹毫釐。方纔鄭俠圖兒上。免
 用勞心苦皺眉。末笑介好兒子阿好兒子。真得我
 心也。速取酒來。我當連進三大觥者。生執鼓鼓舞

介合

越恁好笑。嘻不了。笑嘻嘻不了。固雄心萬結牢。舞衣香
 滿室。沁心腸真樂統。看絲絲錦綃。看絲絲錦綃。一陣
 陣羽霓風紛紜蕩搖。美翩翩韵嬌。嬌滴滴少年郎。安
 心簞瓢。當日裏老萊衣。要得親心好。這色難忘養老
 少同調。

生跌介孩兒耍了一回。爹媽菓子也沒一箇與我。

二且扶介生不要你扶。我要爹爹母親來抱。末老

大笑介好快活。好快活。我的兒。古人只說老菜子

斑衣戲舞。娛悅二親。以為淳孝。那曉今日又出你

這小菜子。追踪前哲。更自稀奇。我好真正樂也。扶

抱介行介

紅綉鞋。合斑衣戲彩重描。重描何分老少瓊茅。瓊茅

天地大。可容包。人事樂。謹豚羔。今朝歡喜誠豪。誠豪。

尾聲不教紗帽當頭笑。得意處全在這千鍾醉醪。一

任你笏滿床頭。斷難如我志高。

末井稅鶉衣樂。日高花影重。

生淑氣催黃鳥。安禪置毒龍。

集唐 小日溪靜雲生石。天晴雪覆松。

老鬢髮俄成素。欲粧臨鏡慵。

四元記下卷終

海
元
清

一
卷

集

